



Angajoqqaat atugarisaannik ilisimasaqarfimmik qitiusumik katersuiffeqalernissaanik pilersitsisoqarnissaanik apeqquteqaat aallaavigalugu oqallisissiatut siunnersuut. Oqallisissiatut siunnersuutip siunertarissavaa angajoqqaat atugarisaanik ilisimasanik katersuiveqalernerup kingunerisaanik Angajoqqaat illersuisuanik pilersitsinissamut tunngavissaqalernissaq.
(Inatsisartunut ilaasortaq Jens NapätôK', Partii Naleraq)

Siullermik inatsisartuni ilaasortaq Jens Napatok Partii Naleraq angajoqqaat pillugit oqallisissiamik siunnersuuteqarninnut qujanaq.

Sooruna tusartuaannaleripput meeqqat angajoqqaaminnit sumiginnarneqarsimallutik meeqqat angerlarsiffiinut angajoqqaarsianulluunniit inissinneqarsimasut. Inuusuttut allaallumi meeqqat imminnut toqunnissaminik eqqarsaateqartut allallu imminnut toquttartut. Meerartagut inuusuttuarartagullu kinguaassiutitigut atornerlunneqartut kannguttaattuliorfigineqartullu. Angajoqqaat imigassamik ikiaroorartumillu atornerluisut.

Piffissanngunnginnerpa naartusunut piumasaqaatinngortissallugu oqarluta angajoqqaatut MANU-mi angajoqqaanngortussatut atuarnissaat piumasaqaataasoq. Soorlu naartuleraangatta iisartakkanik erninissarput tikillugu iijoragassatsinnik tunineqartartugut meeqqatta naap iluani pisariaqartitani piniassammagit. Meeqqatta naap iluaniillunili toqqisisimasumik peroriartornissani inersimasunngornissani tikillugu pisariaqartippaa!

Angajoqqaat nukittuut meeqqaminnut perorsaannikkut sakkussaqaarlutut pilersikkumallugit angajoqqaat atuarfeqalernissaannik 2017-mi upernaakkut ataatsimiinnermi Nivi Olsen Demokraatineersoq siunnersuuteqarluni saqqummiussaqaarnikuvoq. Taamanikkulli itigartinneqarpoq MANU inerisaqqinneqarnissaanik suliaqartoqarnera pissutigalugu.

Ilaqutariit pillugit anguniakkagut taakkuinnaanngillat, Randi Vestergaard Evaldsenip erninissamut sulinngiffeqartarnerup sivittorneqarnissaanut siunnersuutaa apriliip 11-ani maani inimi oqaluuseraarput – Demokraatiniit annertuumik ilaqutariinnik pingaartitsinerput ersarilluinnartuvoq.

Demokraatiniik isumaqartuaannarpugut siusinaartumik iliuuseqarneq tassaasoq inuiaqatigiittut ullumikkut ajornartorsiutitsinnik aqqiinissamut sakkussaqaq pittaanerpaasoq.

Angajoqqaanngorniarluni aaliangerneq akisussaaffimmik annertuumik tigusineruvoq. Naartusimasugut tamatta naartunitsinni meerartaarutta suut pingaartikkusunnerlugit, inuunerlu qanoq ittoq atussallugu takorloornikuuarput. Minnerunngitsumillu ajunnginnerpaamik inuuneqarnissamik kissaateqarfialutigu.



Piviusorli takkukkaangat, meeraqalerlunilu ulluinnaat aallartikkaangata meeraq ima qitiusartigaaq piffissami siullermi aappariittut, ataasiakkaatullu imminut piffissaqarfiginissaq ajornakusoortarluni. Aqqutit taakkua angajoqqaajusugut tamatta arlaatigut ilisarisinnaagigut isumaqarpunga. Qujanartumilli angajoqqaatut tassanngaanniit pitsaasumik aniguisimasinnaavugut, aammali illua'tungaani isumaqatigiinnginnerit tunngavigalugit - ilaatigut qimattariaqarneq toqqarneqartarpoq. Taakkuinnaanngillalli, meeraqalernermi nammineerluni inuunermi aqquasaarsimasat qaffakaasarpur. Angajoqqaat ilaannut ajornannginnerusumik oqaloqatissarsiortoqartarpoq, aammali ilaqarput qamaniittuutigiinnartaraat – taamaalillutillu ilaqutariinnerup iluani inuunerlunermik kinguneqarsinnaallutik.

Angajoqqaajuneq najoqqutalersugaannginnami angajoqqaajusugut tamatta assigiinngitsumik perorsaariaaseqarpugut, - aamma nalunniglarput perorsaaneq assigiilersinneqarsinnaanngitsoq. Ilaqutariittulli inuunerup aallartilluarnissaanik siusinaartumik iliuuseqarneq aqqutissaavoq siunissamut meerartatta inuuniarnermik nukittuumik minnerunngitsumillu ilaqutariit nukittullutik inissisimanissaanik aqqutissiuussisussa.

Oqallisissiamik saqqummiussisup Jens Napaattuup saqqummiinnermini aperaatigut angajoqqaat illersuisuannik pilersitsinissaq siunertaralugu angajoqqaat atugaannik ilisimasanik qitiusumik katersuiffimmik peqarnissaq partiitut qanoq isumaqarfiginerippur.

Demokraatiniit ersarissumik oqaatigeqqissuarput angajoqqaat nukittuut ilaqutariinnermik nukittuumik pilersitsinissaannik ikorfartussagutsigit maanngaanniit akisussaaffigippur siusinaartumik iliuuseqarneq. Suliniutit MANU-tut ittut inuit attorlugit suliniutit kimittuumik sunniuteqartarput – taakkuuppullu ukkatassagut.

Angajoqqaat illersuisuannik pilersitsigaluarutta illersuisussatta sumi allaffeqarnissaa, computereqarnissaa, angalanissaanut aningaasartuutissai qulakkeerniartussaavagut, uffa qamani susoqarnersoq nalunatigu – uanga anaanaavunga, imigassamik ikiaroorntumillu ajornartorsiuteqanngikkaluarumalunniit perorsaannini nalornineq misigisarpara, aamma kukkusarpunga. Meeqerivimmiittuuteqarallarama MANU pillugu saqqummiiffigitarnitsinni angajoqqaatut perorsaaneq pillugu avitseqatigiinnermi angajoqqaatut killiffik sumiinnersoq, perorsaanermilu sakkussat pitsaasut pissarsiarisarpakka.

Taamaattumik isumaqarpunga MANU-mi suliniutit angajoqqaanut sakkussanik pitnaanerpaanik tunniussa qarfiullutillu ineriartortilluarneqarnissaat maannamiit sulissutigissagippur.

MANU-p ingerlanneqarnera annertusarsinnaalluarparput, angajoqqaanngulernerup angajoqqaanngorlaajunerullu nalaa kisiat pinnagu – MANU-p saqqummersitai atorluarlugit sumiiffinni illup iluaniingnalerfimmil angajoqqaat naapeqatigiissittarnerisigut angajoqqaanik pikkorissaanerit ingerlanneqarsinnaalluarmata. Taamaalilluni angajoqqaat aamma kisimiittut massakkorpiag perorsaanikkut sakkussanik pisariaqartitsisut tuniorarsinnaaniassagatsigit.